

阿文成公年譜

阿文成公年譜卷十三

受業王昶定  
盧蔭溥會稿  
第三孫那彥成恭纂

乾隆三十九年

八月初九日

公偕豐昇額色布騰巴爾珠爾奏言臣查遜克爾宗官寨在山腿下峯巒復起之處而自色溯曾山腿相連遜克爾宗中間一道峯脊上賊人又豎立大木柵四座大石卡二座木寨石碉之後又有寨

落相連極爲稠密而遜克爾宗高勦之下兩旁環以深溝其左右平田內寨落甚多麥始黃熟收割者尚不及十之一二臣等自十九日分兵圍繞復卽派兵埋伏或伺賊人潛來割麥乘機掩殺或令我兵往割誘使前來滋擾痛加誅殛連日以來皆有殲戮二十一日復奪取什爾德山梁大木城一座石碉五座臣等公同酌議色淜曾山腿相連峯脊所有木柵石碉及碉柵後寨落均爲遜克爾宗屏蔽必先掃淨而左右田中寨落亦應盡數掃除賊勢旣孤攻取自易時海蘭察官兵在峯脊之左

額森特官兵在峯脊之右因令約齊同取峯脊上各碉卡又令瑚尼爾圖等攻燒遜克爾宗左手平田內各寨落富興在右手分頭搶燒卽於二十五日分路攻剿黎明海蘭察泰斐英阿等從左上攻額森特曾爾曾海祿等從右上攻同時並到賊人放鎗滾石悉力抵禦各官兵屢次得勝之後勇氣倍增業已躍入柵中並直登碉頂將各柵碉一齊攻克隨令官兵從碉柵之後環燒寨落時東風大作所燒房計二百餘間其瑚尼爾圖及富興烏什哈達之兵亦燒燬十餘處均有殺戮惟時賊人情

急聚集二三百人分爲兩股在海蘭察額森特處  
衝突一次富興處衝突二次官兵奮勇迎殺殲斃  
數十餘人餘俱逃散查遜克爾宗前面碉卡既失  
寨落又經盡燬此時不難攻撲但官兵攻燒之際  
遜克爾宗寨內放鎗甚急仰攻必多傷損今于官  
寨左右接起木城前往進逼隨將大礮運往轟摧  
且相機斷其水道則遜克爾宗自歸掌握

公偕豐昇額色布騰巴爾珠爾又奏言查小金川  
地方所有零星秋麥前派穆塔爾賡噶等帶領土  
兵前往收割並令乘機勦殺賊人茲據提督旺保

祿王進泰報稱于總龍廷表同穆塔爾等帶領土練及鄂克什雜谷瓦寺等土兵並小金川降番自美諾起身由阿斯統溝內深入搜勦見有賊番男女二十名均奏入

諭曰阿桂等奏官兵攻取遜克爾宗前面碉卡殲斃賊衆並燒燬其旁近寨落覽奏實爲欣慰並據稱相機斷其水道遜克爾宗自歸掌握所見甚爲扼要果爾則官兵乘勝采入更有席捲之勢阿桂一至勒烏圖則達爾圖之賊必且不攻而潰至於斷賊水道最爲上策朕昨年

計畫及此曾屢諭將軍等籌辦至穆塔爾等在帛噶爾  
角克碉一帶搜查賊匪防護割麥番民既得其糧食復  
殲擒番賊男婦所辦甚好功噶爾拉賊雖防守此時諒  
無能爲僥官兵攻得勒烏圍此等零星賊匪自皆不能  
存駐但現尚有賊一切防守不宜稍有疎畧此乃常青  
旺保祿等專責伊等均當實心妥辦毋稍玩忽干咎

公偕豐昇額色布騰巴爾珠爾又奏言查金川首  
逆本爲鄰近各土司所切齒况索諾木等因庇匿  
僧格桑以致滅亡卽竄往他處各土司前車具在  
亦斷不敢收留但至力竭勢窮爲挺而走險之際

亦當早爲檄示俾各先事預防

臣

等謹將

諭旨指示之處詳悉譯出番字發交丹壩梭磨阜克采從

噶克各土司遵照其草布什咱綽斯甲布巴旺布

拉克底凡與賊境毘連者一體飭發令各加意嚴

防不得絲毫疎懈至金川賊首雖有馬匹而馳驟

非其所長若果騎馬竄逃轉易於擒獲今蒙

睿鑒飭令富勒渾等購備馬匹送至軍營

臣

等當於滿洲

索倫侍衛章京兵丁內視其材技出衆者酌量給

與以備臨時追蹤奏入

上嘉之

十三日

公偕豐昇額色布騰巴爾珠爾奏言查海蘭察等官兵在遜克爾宗之左距官寨尙隔深溝現在拏築木城直抵溝邊與隔岸賊人水碉相對每日用礮轟擊其額森特官兵在遜克爾宗之右亦拏起柵座迤邐進逼是處道路較長官兵雖已環圍遜克爾宗三面而賊寨石牆高堅殊甚惟寨之西北尚有二碉現又接拏木柵用礮轟摧即可乘機搶佔以截遜克爾宗之後再前月二十八日夜有賊圍劫雲南外委王世貴鍾新所守之卡卡內僅有

官兵四十名放鎗抵禦賊人冒死搶進官兵卽用  
短兵接戰經烏什哈達等帶兵往援賊始逃竄官  
兵追殲甚多查遜克爾宗賊原知難以固守但已  
計無復之而賊境又隨處有險可恃姑爲退一步  
且守一步守一日苟延一日之計卽前此歷訊脫  
出番人皆稱賊人等久已商量偷劫營寨乃此來  
不過糾集一百餘人又經官兵殲殪則其伎倆已  
可槩見臣等竭力籌辦自能迅抵賊巢奏入

諭曰賊番勢處窮蹙自必竭力守拒阿桂所云賊人姑爲  
退一步且守一步守一日苟延一日之計其說深中賊

情然賊人伎倆不過如此官軍屢勝之後聲勢正盛將士亦倍加奮力無難速成大功但必須相機妥辦如奪其水卡斷其樵汲賊眾必難據守其遜克爾宗三面之碉恃險力拒官兵轉不必冒險進撲阿桂本慎重之人恐其急欲成功或不免稍涉輕率故諭及之然又不可因此過於遲疑也至外委王世貴鍾新以四十餘兵禦賊百餘守卡無失甚屬可嘉著阿桂將此二人卽從優拔補千總守卡兵亦酌量賞賚其赴援殲賊之烏什哈達曾爾曾並著紀錄功績

二十日

公偕豐昇額色布騰巴爾珠爾奏言查谷噶一路  
進兵係由東迤往西南其凱立葉一路亦向南攻  
進今谷噶官兵已抵遜克爾宗從谷噶噶口前進  
計七八十里臣等回望凱立葉實在東北一隅臣  
等軍營之後其自遜克爾宗至勒烏圍詢之番人  
等約計原只有三十餘里但番人所指係直捷路  
徑今大兵處處繞越進攻遠近卽難定準至以金  
川河而論大兵總自西北而東南而噶拉依勒烏  
圍兩賊巢均在河南馬爾邦則在河北官兵攻得  
馬爾邦自須過河逼進噶拉衣其明亮現攻之達爾

圖亦在河北彼處官兵若先下至河邊固須乘船過渡合勦臣等若先破勒烏圖亦必分兵過河接應宜喜官兵查自勒烏圖至噶拉依陸路約七十里番人稱山路多係陡險沿河亦屬偏仄不如河北一帶道路稍平其大槩情形如此至臣等一得勒烏圖則進攻噶拉依必當迎刃而解奏入報

聞

公偕豐昇額色布騰巴爾珠爾又奏言此時將眉賊巢醜徒各處死守若得兵多分頭深入收功自更爲迅捷目前兵力誠未免畧少但現在近處則

無兵可調而調從遠處又屬鞭長莫及臣等通盤籌算官兵一抵勒烏圖進搗時凱立葉丹壩官兵俱可來會而後路無需防守之處均可隨時設法抽撤以資助勦奏入

上嘉之

二十九日

公偕豐昇額色布騰巴爾珠爾奏言臣等用礮轟擊遜克爾宗戰碉東面上截碉牆業經轟塌並將碉門摧破賊人於碉寨之內復挖地坑以爲藏身死守之計雖督兵力撲亦可望其得手尙恐多至

損傷其西北寨落已連拏木柵將遜克爾宗隔斷而迤西尙有兩碉是以賊人後路未能盡絕臣等因令額森特等督率官兵砍伐木植拏柵進逼復趕鑄大礮運往轟擊至衝天礮鎔鑄已就礮車並已造成試放有準

公偕豐昇額色布騰巴爾珠爾又奏言官兵環攻遜克爾宗賊人力竭勢窮不時跪喊求饒臣等屢遣兵弁呵斥十五日金川頭人綽窩斯甲將僧格桑屍匣刨起呈獻並將僧格桑之妾側累及小金川頭人蒙固阿什咱阿拉一同獻出並稱七圖安

堵爾現在患病隨後亦卽拏獻

臣

等將側累蒙固

阿什咱阿拉并綽窩斯甲一件拘畱其僧格桑屍

匣訛係在遜克爾宗後石窖內起出當將屍身令

側累蒙固阿什咱阿拉及認識之穆塔爾等一同

驗視衆供俱屬相符已令割取首級交文綬暫存

省城俟拏獲索諾木兄弟及大頭人獻俘時一併

獻馘

臣

等揆度賊情不過暫爲安頓之計且仍冀

藉此傲倅完事現在官兵照常趕拏木柵緊轟大

礮以期迅速深入斷不致稍有稽滯至七圖安堵

爾已令跟隨綽窩斯甲散番前往催取若金川大

頭人一同前來並可設法擒戮

公偕豐昇額色布騰巴爾珠爾又奏言指日攻克  
遜克爾宗卽應從日爾巴當噶發兵搶佔一得此  
處便可上接凱立葉之兵會同下壓噶爾丹喇嘛  
寺且大兵從此順梁而下一至河邊則賊酋從河  
南往丹灞之路已斷而明亮又從達爾圖山梁下  
至河邊則賊酋從河北往丹灞之路亦斷現在丹  
灞一路漢土官兵幾及二千以之攻勦卽爲不足  
以之堵禦實爲有餘况屆時明亮之兵應當循河  
而西出馬爾邦庚額特之後臣等一路之兵除緊

要後路尙須節節畱防並須分兵將賊境東北各  
寨逐一掃除所需兵力已爲不少若再令五岱之  
兵帶往丹灞會同五福駐守則於進剿賊巢兵力  
轉致不敷且各土司凜奉

諭旨預派能事頭人於要隘列兵防守希圖立功邀賞若  
逆酋出其境內必轉以爲奇貨可居自不肯任其  
逋逃藏匿似可不致疎漏均奏入

諭曰阿桂等籌辦遜克爾宗築柵鑄礮日漸就緒自可尅  
期集事現屆大功將成倍宜慎重阿桂不欲令官兵輕  
率撲碉所見極是至所奏金川賊人將僧格桑屍身及

側累等呈獻到營阿桂等僅與拘留仍照常攻打不稍弛懈所見尤是側累等自應解京嚴訊但不過解審之犯止應選派妥幹員弁嚴行管押母任疎脫不得謂之獻俘直待擒獲索諾木兄弟方可行俘獻之典至僧格桑之妾雖已獻出而其妻則不肯同獻自係索諾木因其親姊之故若是則金川所獻仍屬賊中無關緊要之人其肺肝自不能掩阿桂當時何不以此語詰之乎又據奏五岱在阿桂處既需畱辦分勦分防之用卽母庸前赴丹灞著阿桂檄知五福妥爲防範至各土司見金川滅亡在卽俱欲借此除害並立功邀賞誠心歸順不

敢疎縱似屬可信攻破賊巢之後逆酋諒無從免脫亦不虞其自戕惟丹巴沃雜爾狡惡異常恐未必肯束手就縛務必設法生致檻送京師

九月初七日

公偕豐昇額色布騰巴爾珠爾奏言臣等所擊木柵已抄過遜克爾宗官寨之西但該處高礮層疊間以深溝勢難接擊前進尙難斷其往來之路而遜克爾宗官寨及左手水碉臣雖督令官兵一俟霧雨稍開卽行轟打但霧雨時多開霽時少賊人仍復隨場隨修二十二日雲開雨散後用礮力轟

見賊碉北面已漸坍塌臣等因於二十四日子刻派令海蘭察額森特督兵進發官兵營壘本距賊碉甚近各兵踴躍奮迅直至碉寨之下或攜帶木梯扳上寨牆或拆開缺口往內衝進並掠入火彈而賊人抵禦鎗石甚緊官兵又從坍缺碉牆乘之以入并拔取碉內之梯以斷賊人上下而土鬆石動官兵不能著腳賊人轉於碉底挖有地窖藏身卽於地窖內攢鎗上打其在碉頂之賊拋石下擲勢如風雨且寨內窄狹多兵難於施展自寅至郊賊人抵死不動恐致多有損傷當將官兵徐徐撤

下查賊人實因滅亡在卽步步爲死守之計其醜  
類較前更多其預備更爲嚴密臣等不勝焦急憤  
恨雖番地秋雨本多然以前兩年例之旬日之間  
卽當漸止今二十五日仍復雨霧甚大臣等晝夜  
轟摧使其無從修補預備精健兵丁視其稍有躲  
避情形突然捨撲諒能得手

公偕豐昇額色布騰巴爾珠爾又奏言本月十五  
日金川賊曾已將僧格桑屍首及小女人側累並  
大頭人蒙固阿什咱阿拉送出旋於十七日酉刻  
賊來卡外呌稱復將七圖安堵爾送出懇請查收

併求停止鎗礮賞給執照

臣

等先將七圖安堵爾

收禁隨令海蘭察額森特等斥以汝索諾木等既

云知罪乃僅送二三人並未將小金川各頭人百

姓全數獻出且索諾木及莎羅奔均未親至營盤

叩見將軍卽求執照以爲完事似此狡惡實不值

再與爾等說話賊等見海蘭察額森特動怒卽畏

懼叩頭而退臣等當將拘留之頭人綽窩期甲散

番四名一併嚴拏並將七圖安堵爾教唆僧格桑

吞併鄂克什抗拒大兵及上年令伊姪雅噶爾斯

甲布勾通小金川番人滋擾大兵後路且因雍中

朋有心投順卽行殺害各情逐加詰訊伊俱含糊  
隱約未肯傾吐實情若加以刑求本無難於得實  
但該頭人實係作惡渠魁現稱患病若遽用刑致  
斃轉不足以明正典刑且進京之後仍有蒙固阿  
什咱阿拉爲之質証斷不能稍爲抵飾自可明昭  
罪狀加之誅戮以彰

國憲而快人心至側累七圖安堵爾蒙固阿什咱阿拉  
皆係小金川緊要之人卽綽窩斯甲亦係索諾木  
等伴當新放頭人均應一體櫨送京城以備訊辦  
臣等卽令

乾清門侍衛阿彌達同前鋒章京寧泰護軍校查綸布等並屯練通事一名於二十五日押解起程並囑該員等沿途防範毋致疎虞其僧格桑首級函交文綬存貯省城俟擒獲索諾木莎羅奔兄弟時俘馘同獻查七圖安堵爾等本係小金川第一助惡大頭人生致京師明彰顯戮固可稍快人心但於勦除一事究屬無關輕重臣等第以竄在金川之小金川頭人尙有數人番衆尙有數百人賊酋等既將僧格桑毒死而最効力於金川之七圖安堵爾復先送出則此外存畱之頭人番衆皆生疑懼

非獨不肯更爲盡力必尙有投出中變之事正可乘機攻進是賊人雖逞狡計而將計就計以破其謀於進剿事機轉不無裨益且現在遜克爾宗臣等竭力籌辦卽期克獲從此奮力進攻賊人自成土崩瓦解之局矣

公偕豐昇額色布騰巴爾珠爾又奏言番地跬步皆山可耕之地本少是以一家所種不足供一家之食必得酒糟菽穀及圓根等物藉以糊口始畧供一歲之需臣等此路於谷噶前進幾及百里均係崇山直至遜克爾宗相近始有田地然尙磽確

居多計番人所種秋麥不過數頃經我兵焚燒搶割現已毫無所有但聞番地莊稼現俱收割臣等

此後攻勦所至遇有大寨存積糧石自當查照入

官以爲因糧於敵之計至臣等前奏攻取焚燒遞

克爾宗前面左右各碉寨一摺內有自色淜舊山

腿以至遞克爾宗中間一道峯脊上賊人又豎立

木柵石碉之語蓋因色淜舊上承羅博瓦日瓦卡

爾迤邐至遞克爾宗本屬一道山梁逐步漸低但

白色淜舊迤邐而下尚有肇朗納克及該筆達烏

兩處從前因未知其名統指爲色淜舊山腿而自

該筆達烏迤邇斜下與該布達什諾山腿復成一  
丫口過此丫口岡脊上又有札木咱克密里阿岳  
拉瑪格羅等碉柵平房再過此始爲遜克爾宗前  
此七月十七口額森特帶兵從右手抄進色淜普  
前面賊碉之後佔據肇朗納克及該筆達烏地方  
而海蘭察帶兵續進併從額森特佔據處所往截  
該布達什諾之後路非但色淜普山腿上木城碉  
卡盡行克瘦焚燒其丫口外緊接一道岡脊其上  
所有札木咱克密里阿岳拉瑪格羅等碉柵寨落  
亦於二十五等日繞攻燒焚今將各碉寨地名逐

一詢出分段繪圖恭呈

御覽均奏入

諭曰阿桂等奏攻打遞克爾宗賊寨設法進取情形一摺已於摺內批示據稱海蘭察額森特所帶官兵直至賊碉之下或攜帶木梯扳上寨牆或拆開缺口往內衝進又從坍缺碉牆上乘之而入並將碉內之梯用力拔出以斷賊人上下等語雖黠賊於地窖深藏未能攻得而官兵如此奮勇實屬可嘉此等出力者係屬何人阿桂等俱應查明或卽行量予獎賞或記名一併優叙俾衆兵益知鼓勵至所稱恐官兵或有損傷卽令徐徐撤下

所辦甚是大功將成諸事倍宜慎重現在官兵勇銳倍  
常敵力亦甚威猛自可趁期攻克惟當相機而進以期  
萬全又據稱十九至二十二雨雪連綿實覺可恨阿桂  
於二十三晴霽之後卽於是夜派兵進攻可見阿桂等  
及諸將領亦不肯稍懈看來番地氣候春秋雨雪每甚  
惟冬令晴日較多章嘉胡土克圖曾言及之前歲攻得  
美諾等處及昨歲收復小金川皆係冬月成功已可槩  
見阿桂等尤當努力爲之若於長至前集勲歲事亦不  
爲遲也至另摺奏賊人於十七日將七圖安堵爾送出  
卽同綽窩斯甲一併拘拏訊供等語七圖安堵爾降順

索諾木爲之出力意賊曾未必真心擒獻今竟將其獻出則賊情之窘迫可知但據七圖安堵爾供稱聽見大頭人說如今格魯瓦覺宜喜兩路官兵打得很緊怕我們攏不住從前大兵進來原爲小金川土司今將僧格桑屍身及其妾側累并大頭人七圖安堵爾送出想來可以完事綽斯甲布布拉克底巴旺三雜谷如今雖打得利害但都是我們親戚若是大兵出去過幾年還可相好等語賊人狡黠在此而其糊塗不知死活亦在此今官兵攻勦金川所有險隘已得十之八九阿桂等及諸將領自無不思速建鴻勳慰朕懸注諒斷不肯因賊

人懇求稍存游移姑息之見第恐綠營官兵俱見識膚淺且從征畧久急圖休息者多一聞賊酋獻屍求降之言難保心不爲稍惑阿桂等當通行曉諭衆官兵等以各路大軍乘勝深入自可直薄賊巢指日成功爾等俱各仰邀優叙得官受賞况國家費如許力量以期永靖邊圉豈可虧於一簣若此時准其求降完事則禍根不除仍貽後患且賊酋等明言大兵出去過幾年與各土司還可相好則其野性難馴更覺顯然若不徹底妥辦則大兵一撤數年後賊人故智復萌又將聯絡諸番強吞弱併抗逆鴉張勢不能不再興師問罪仍需爾等宣

力戎行與其數年之後重勞跋涉何如就將成之績勉力圖功速膺懋賞乎如此明白告誠衆官兵當益加鼓舞自効不爲浮言所惑矣又據七圖安堵爾供土司今春因百姓沒得喫他借出一兩背米如今莊稼收了土司們就要追還又要他們利息所以百姓們心腸愈沒等語又綽窩斯甲供土司怕百姓們心變叫齊各處寨首說大兵打破了地方不論土司頭人與百姓都不饒的須大家出力看守地方等語可見金川番衆其心未嘗不動前曾諭令阿桂於進兵攻剿時一面傳布號令通諭諸番使皆知悉如有深知順逆之理不爲賊曾死

守望風投降者仍得免死安居不可仍令其居住本地  
若能併將土司頭人擒獻者必加重賞倘迷而不悟直  
待攻破碉卡雖降亦不饒恕此時以此傳播正當其可  
且因賊會有叮嚀百姓之言切爲曉諭更屬將計就計  
易於引動著阿桂明亮等共知此意於攻剿賊碉時令  
土兵一體傳告使衆番共有見聞俾懈其死守之心各  
懷求生之念亦因勢利導之一法也再閱阿桂進到圖  
內密里阿岳以下官兵木城已過遜克爾宗之前而所  
得之格魯瓦覺亦在遜克爾宗之前是賊人來路無難  
截斷已於圖內用硃筆圈誌若從官兵木城至當噶克

一帶圈誌處所堵截其往來之路遜克爾宗賊衆自斷不能久存著將此圖發與阿桂若此旨到時尙未攻得阿桂務當悉心妥酌爲之

公偕豐昇額色布騰巴爾珠爾又奏言本月十八日頭等侍衛德保同欽天監監副傅作霖來抵大營稱

皇上因送川之衝天礮位恐前次所派欽天監官員測量未能精細是以復派傅作霖來營指示點放並派德保照看前來查衝天礮位自鑄成以來屢經演放所落礮子已不出方圓十丈之外而十八日午

後適有數刻之晴臣等又同德保傅作霖等前往驗放據傳作霖稱靈台郎所測高下遠近之數已爲有準今復按照舊法對準度數施放更可無悞臣等連試數礮亦均在十丈之內現在邁克爾宗之賊盡力死守於此驗放打進或可轟斃賊人但施於官兵已抵碉寨之時則礮子墜落之遠近炸裂之遲速稍有參差偏倚轉爲有碍臣等於二十三日派兵預備一面將衝天礮運往施放第一礮子落於賊牆根第二礮正墜賊牆之內看來賊人必有傷斃至第三礮亦經打進但礮子爲數有限

上是之

此時自宜愛惜畱俟進攻勒烏圖噶拉依巢穴時  
寨落既寬賊番尤衆施放必更爲得力奏入

十五日

公偕豐昇額色布騰巴爾珠爾奏言臣等進攻過  
克爾宗水碉二十五日以後又復雨雪連綿臣等  
於雨雪之際趕鑄三千餘斤大礮至二十九日鑄  
成而天氣亦已開霽移往連夜轟擊兩日間水碉  
已塌半截臣等本先派定精銳兵丁以備不時捨  
撲至初二日晚即派海蘭察額森特等帶兵兩股

突然搶上賊人措手不及官兵衝入碉內奮勇砍  
殺殲斃二三十人遂乘勢直抵官寨而賊於寨內  
四面放鎗如雨抵禦甚嚴未能卽克查是碉賊人  
所資飲汲今旣攻取雖官寨西南賊尙有取水之  
處而往來紓遠其情必更窘急但官寨在山峯突  
起高勸之上力撲仍必多傷臣等現在另拏木柵  
運往大礮轟摧官寨西南一面並排列劈山礮位  
緊對寨門施放卽黑夜中亦立標準按定方向晝  
夜轟摧使賊不敢出入往來况官寨東北一面今  
因連日晴明被礮轟打已就塌燬而西南一面今

又拏柵用礮摧擊稍俟頽墮並可多添一路相機

搶佔賊必不能死守再八月十九日黎明有賊百

餘來擾瑚尼爾圖營盤前面卡倫該員督兵接應

鎗箭齊發賊卽敗逃惟外委徐沛奮勇追殺中鎗

陣亡奏入

諭曰阿桂等奏攻克遜克爾宗水碉並接拏木柵用礮轟

摧賊寨情形自必速籌攻打以期迅得又據奏賊寨西

南賊人尙有取水之處雖云來往紓遠但賊人尙有可

恃阿桂何不將此一併奪取設或不能徑至其處卽派

健銳營鳥鎗兵及索倫好弓箭於賊人欲往取水之處

遙爲堵截儘力擊射賊自不能前往使其飲汲無資必  
更窘迫於攻勦尤易得力此法不但此處爲然凡將軍  
等攻勦所至如勒烏圖等處皆當如此辦理至所稱二  
十九日賊擾瑚尼爾圖卡倫外委徐沛出巡追殺中鎗  
陣亡徐沛奮勇捐軀情屬可憫著照千總例議恤可卽  
咨部知之至賊匪當此窮蹙之時尙敢潛出擾我營卡  
雖經官兵知覺趕殺隨卽匿竄但賊匪敢施此伎倆恐  
其伺我罅隙潛來突逞其奸不可不時時防範阿桂等  
務飭各營卡將弁加意防守勿稍疎虞

二十一日

公偕豐昇額色布騰巴爾珠爾奏言查過克爾宗  
碉寨牆垣堅厚自用礮轟擊以來上半雖多坍毀  
而下半尙爲鞏固其西南一面亦未甚頽壞且自  
八月以來雪雨連綿卽九月初間雖有一兩日之  
晴仍復大雪積至數寸至初六日夜始行開霽臣  
等查看過克爾宗官寨賊人死守堅拒必須設法  
進攻當派令海蘭察額森特分隊帶兵於初七日  
寅刻前進賊人放鎗拋石極力抵禦相持數刻遂  
令官兵明爲撤下而密畱勇銳兵二百名潛伏寨  
旁灌木蒙叢之處使賊無由知覺以爲我兵已撤

意稍懈弛庶可突然搶佔比及辰刻埋伏各兵從灌木中突出奮躍而前卽於轟塌之所直上寨牆賊人出其不意一面放鎗一面於碉寨之內拋石擊打勢如風雨其寨牆根之賊本挖有孔穴亦於此持矛外截並放鎗外擊以禦接續上牆之兵惟寨牆場處在寨外視之似已離地無多而於寨內視之則去地尙有二丈各兵雖上寨牆尙難跳越而下因卽騎在牆上見有露身拋石打鎗之賊儘力擊射鎗箭所及幾無虛發攻至未刻已歷三時各處山寨之賊均來應援鎗石更緊又將木果木

所得之噴筒向上施放恐多損傷徐徐酌撤臣等公同商議此次進攻所以未能得手實因臣等心急如焚一趁天晴卽思攻克不及俟至寨牆下截再多摧燬是以官兵未能下牆入寨但殺賊約五六十人而救援之賊爲鎗箭所斃尤多其在寨內牆根孔穴間堵禦之賊所有鳥鎗長矛多被我兵奪獲賊人實爲喪氣若乘此再奮力上攻必難支禦因於初八九兩日又將各種礮位合力施放初九日夜復派海蘭察泰斐英阿等分隊進攻並令排列礮位視無碍官兵之處併力轟摧至初十日

黎明各隊官兵一同進發而賊人狡惡異常因牆  
寨所塌之土石堆積牆下已成漫坡卽於漫坡中  
間另挖溝濠一道以限官兵前進其溝沿之上悉  
遮木植板片以禦官兵擊射又將石塊堆在寨牆  
之上一俟官兵逼至牆邊力推而下勢如雨點連  
撲三次不能進攻但賊於官兵逼近之際不得不  
露身抵禦而官兵鎗箭臣等本擇滿洲索倫中技  
藝最好之人是以發無不中而礮子所擊斃賊亦  
爲不少又烏什哈達福康安等攻打西北寨落時  
有賊數十人從溝底潛出思欲截後烏什哈達等

分兵下壓殲斃及帶箭滾崖者又有十餘名至我官兵兩日攻撲初七日護軍校烏爾袞泰陣亡二等侍衛庫爾德副將烏爾納護軍校德布陞額有鎗石微傷初十日海蘭察因賊鎗打在石上回迸左頰稍有浮腫額森特亦被石擦傷鼻又中大腿晉爾曾爲賊小箭所傷均無妨礙行走如常其副參領巴圖魯興奎先於初七日石傷腰脊初十日仍復賈勇先登石傷臉面又頭等侍衛巴圖魯佛倫泰亦兩目皆受石傷幸俱不重至初七日首上寨之兵共有九名臣等各賞銀牌銀兩以示鼓勵

查遜克爾宗實係賊人隘口是以各領隊等無不盡之心各官兵等無不盡之力如此攻撲而賊人護死衛巢守拒彌堅臣等現在另行設法籌辦務

爲卽克之計再初五日傍晚有日爾巴當噶之賊

百餘假作土兵之狀從得斯東前來突犯從噶克  
土兵營卡經叅將曹順看出督同擊打傷斃數人

其餘竄入箐林而逸又大營對過之南山上卓克

采土兵營卡賊於初六日夜半復來擾侵守卡土

兵施鎗抵禦經守備路連英聞聲應援黑夜攬殺

斃賊數名亦旋逃竄土兵內亦有陣亡者隨令別

斯滿三等侍衛穆塔爾鄂克什土都司廣噶帶領  
土兵尋踪追勦斃賊數名割耳記呈獻查賊人當  
此窘迫之時惟恐露其畏怯之狀尙思多方滋擾  
深堪切齒然一見官兵無不敗北而去則其伎倆  
更已可見臣等嚴飭營卡愈加防範如賊自來送  
死務須多爲截殺以洩忿恨奏入

諭曰據阿桂等奏連日攻打遜克爾宗殺戮多賊情形一  
摺將領及兵丁等連次攻碉均各奮勉出力鼓勇先登  
深堪嘉獎將士如此齊心必邀

上天嘉佑可期迅速成功至阿桂等於官兵進攻時見有

履險難進之勢徐徐酌撤自應如此辦理看來賊衆抗拒情形窘迫自救已無能爲只要天氣晴霽便可得手番地氣候十月以後晴霽日多轉瞬卽屆孟冬自可卽期克捷佇聽喜音

三十日

公偕豐昇額色布騰巴爾珠爾奏言遜克爾宗官寨其左隔有河溝崖礎壁立官兵斷難越溝前進其官寨之右西北雖有寨落四座若將坡礎層疊之處繞越砍開小路下一層坡礎卽豎一層木棚得此便可往斷賊之後路但逼近賊寨賊鎗甚密

因於昏夜之中令兵丁各持柴炬遮身前進豎立  
柴炬後趕放土袋復於土袋內刨溝立柵一柵既  
定隨將礮位運往轟摧一兩日間漸已頽燬卽令  
額森特烏什哈達於十五日黎明突然進撲賊亦  
滾石放鎗抵禦而各官兵人人憤怒四面齊上賊  
不能支分路竄逸而臣等預派滿洲索倫勁兵埋  
伏汪矢以待奮追攢射共斃二十餘賊遂將第一  
寨攻取一面又往下接拏木柵移礮往轟第二三  
寨伏思賊人衛死護巢雖無所不用其極但此四  
寨中已奪其一而第二三寨漸被轟殘不過此三

日內可以一併搶佔其第四寨卽在榮噶爾博河  
岸之旁得二三寨則第四寨亦歸掌握雖遜克爾  
宗官寨後又有兩碉相護然相度地勢尙屬攻取  
非難一經官兵佔據此處則賊人來往之路已絕  
遜克爾宗官寨必不攻自潰本月十八日復蒙  
聖諭以官兵木城至當噶克一帶賊人來路無難截斷特  
標

硃筆圈誌發交臣等悉心妥酌查遜克爾宗左手當噶克  
一處雖溝勦壁立難以繞越必能堵截其後正在  
儘力籌辦適與我

皇上指示相符謹將原圖貼說一併呈進再近有小金川  
番人朗卡爾結等同婦女二人從前敵脫出併錄  
供詞恭呈

御覽奏入

諭曰繞截賊人後路最爲扼要朕前此偶爾計及卽於圖  
內硃筆標識詢商阿桂今阿桂於奉諭旨之前所籌派  
兵襲取路徑與朕意適合足見阿桂之諸事用心現在  
阿桂已得右手第一寨所有第二三寨亦漸被礮轟殘  
其第四寨後兩碉均可乘勢攻取如此賊人後路已斷  
遜克爾宗應必不攻自潰至於斷截後路其糧食不能

續供賊情卽自窘迫但恐賊寨中或畧有餘糧精杷等項藉以充饑堅拒然亦斷不能久阿桂等惟設法堵截勿使賊人得有接濟必當指日攻取爲要又前經傳諭令豐昇額帶兵往日爾巴當噶與五岱夾攻若能卽速攻得則遜克爾宗之賊更難久畱但據脫出小金川番人朗卡爾結有金川賊人比從前更爲害怕凱立葉日爾巴當噶亦添多人防守之語若豐昇額果往彼攻勦奮勇之中亦當稍知審慎不可冒昧輕進

公偕豐昇額色布騰巴爾珠爾又奏言

臣等接奉

諭旨令添補官兵皮衣腰刀帳房等項查番地山路崎嶇

不時雨雪兵丁入林穿箐攀越上下衣履極易於  
破損而風土苦寒皮衣亦不可少自進剿逆酋以  
來各省官兵所需衣履等物或有從各兵家中自  
置該營彙齊解赴川省者亦有各營動用公費代  
爲兵丁製辦解川者並有咨會川省代爲就近購  
買解營分給所需價值各省解還歸款者每年製  
送各二三次不等至各營將領於給散之後造具  
兵丁花名清冊呈送本省於各兵原營坐餉內按  
數分季扣還若官弁所借銀兩則於伊等存營俸  
薪內扣出卽時清楚旣無碍於

帑項而實有益於官兵從來陝甘雲貴四川各省皆如此辦理未見有特請借撥俸餉者以致仰蒙

垂詢至西路楚兵自去秋到營以來該省未經送過軍裝

雖於川省製辦馬褂綿襖等物酌量分給而兵丁

較爲襯襯是以七月中據湖廣副將李文英等具

稟臣等卽檄行川省軍需局借項製辦以供禦寒

之用目下天氣漸寒山高雪大陳輝祖所奏解銀

購製之項誠所必需臣等已行知該署督遵照辦

理並令文綬仍迅爲代辦以副

皇上軫恤深仁至其餘各省官兵所需禦寒衣服雖已製

辦但前准文綬札知上年甘省所辦羊皮褂三千餘件今尙存貯在省臣等詢問各營兵丁俱有願

領者是以咨會文綬令其解赴軍營所有價值腳運仍令各省照例坐扣歸還此時各省官兵實已

無憂凜列至於各營添補腰刀帳房等項例應於公費項下動支現在各營內如有帳房實在日久

破爛難以支架者亦照例一體辦理其各兵軍械臣等不時特派侍衛章京等查點是以損缺者少

惟湖廣省原來之斧鋸本少且不適用凡伐木砍柴多用腰刀以致亦有殘缺其所請刀仗亦所必

需已行馬爾邦宜喜凱立葉軍營斟酌照辦奏入  
報

聞

十月初七日

公偕豐昇額色布騰巴爾珠爾奏言查遜克爾宗一處係大兵前搗勒烏圖要隘賊人力量全聚於此且見官兵攻圍甚急護死衛巢無所不至希冀擾動官兵一二營卡或可稍緩須臾不死本月二十二日子刻有賊三百餘人來搶遜克爾宗前面官兵礮臺兩邊石卡經侍衛額爾特等督領官兵

一百五十餘名出柵奮擊正在攬殺一處而侍衛  
托爾托保等帶兵從礮臺左手向下應援額森特  
福康安等又帶官兵二百名迅往夾攻烏什哈達  
等亦帶兵就近抄截官兵三面合攻鎗箭齊發而  
賊人倚恃坡礮可以遮身敗而復進者數次至寅  
刻始踉蹌奔竄官兵尾追趕殺直抵賊寨始回查  
驗殲斃頭人二名又滿洲索倫官兵揀回箭枝內  
驗有五十三根均帶血痕深淺不等是賊人被殺  
被傷實爲不少再三五日以來逃克爾宗之西北  
相連之第二三碉爲敵所擊漸見凋殘臣等復派

領隊侍衛將領等帶兵分攻均於二十四日黎明潛進海蘭察比至第二碉寨下賊人擲石發鎗官兵卽從鎗石中間直衝前進四面爬越上牆躍入寨內奮力砍殺賊人紛紛遁出又被牆外官兵截殺逃逸不及四人卽將是寨佔住其額森特至第三寨前督兵亦抵寨下拋入火彈賊人出寨衝壓官兵見其明來接仗奮力上前箭鎗所施發無不斃惟時海祿所帶埋伏之兵見賊出寨竟與官兵短接遂卽帶兵衝下一面乘勢欲擒賊碉一面夾攻賊衆殲斃數人賊番驚駭仍竄回碉死守官兵

正在合勢奮攻而衆噶爾博山上之賊望見攻碉甚急惟恐有失隨有數十賊渡溝而來思襲我兵之後經烏什哈達明仁望見帶領接應之兵回身逃殺餘賊踉蹌敗遁官兵合力窮追賊人不能復歸原路敗至溝邊陡礎之上爲我兵所迫眼見跳崖之賊三十餘人久之僅有六七賊涉水而逸但崖礎高有三四丈其下卽河灘官兵難以追殺而回此次打仗額森特被鎗打折弓梢又打透弓胎弓面續又擦傷無名指中指皮肉但被傷之後仍卽取親隨帶之弓連射賊人於帶兵打仗並無妨

碍而官兵亦無不踴躍爭先幾於人自爲戰惟因  
第三碉寨究未十分搥場是以尙稽得手但屢次  
斃賊甚多察其情形實屬胆寒氣沮况此西北寨  
落四座官兵已克其二僅存三四兩寨臣等設法  
籌辦務將此兩寨一併攻獲繞截賊人後路至近  
有脫出小金川番人朗木結金川番人色達爾結  
及卓克采番人策克納木尼滿朋均分別安插奏  
入

諭曰阿桂等奏稱此次攻寨官兵無不踴躍先登幾於人  
自爲戰甚屬可嘉而海蘭察傷甫平復仍帶兵攻奪堅

碉額森特指被擦傷尙換弓連射賊人尤堪嘉獎均著  
阿桂存記檔冊俟大兵攻得勒烏圍一併叙明奏請交  
部議叙至該處現在僅存兩碉攻之自不甚費力阿桂  
又善於調度更可望迅速得手若得此三四兩碉截斷  
賊人後路遜克爾宗定當不攻自潰佇盼捷音至所訊  
脫出卓克采番人策克納木供稱看來金川百姓光景  
實在害怕併聽說前日將僧格桑屍首連女人頭人都  
送出去還不准降今在卡子上喊叫官兵亦終不應等  
語所辦尙非得要前此逆酋狡謫欲以詐降爲緩兵之  
計且以觀我虛實自應付之不理今衆番旣各驚惶畏

死正宜迎機善導竟當令卡上各土兵高聲喊諭將軍等統領大兵聲罪致討原因索諾木及莎羅奔兄弟負恩反噬及各頭人肆凶濟惡難以輕宥與爾等衆番無涉爾衆番人有能明順逆知利害者早釋兵械來赴軍營投順不但免爾等之死并仍俾爾等完聚安居從前屢次投出之人已皆如此辦理爾衆番等若有能將逆酋兄弟及助惡大頭人等擒獻者并當奏聞重賞如此傳布宣諭使衆共知其惶惑當更甚乘隙出降者必益多但得衆心渙散則勢自瓦解攻之尤易爲力但不可因用此法稍懈進攻將軍等仍當急速妥爲之又據訊

得投出之小金川番人朗木結供聽見小金川舊頭人噶里阿讓前日差噶里三個人由以旋拉角克到底木達布朗郭宗曾頭溝探看情形回來說如今官兵營卡把守甚緊看來做不出大事只有瑪爾當察納中間河東上噶里下噶里兩處官兵卡子可以搶得阿讓親自帶人定於二十二日起身由美臥溝往噶里去又索諾木派頭人摩摩阿什咱德爾什斯甲等商量帶領五千多人到功噶爾拉由察隆登庫覺巴木通蹠水過河到河東別斯滿去放夾壩聞見十九日起身等語此兩番人所供係十九二十二兩日起身該處相距不遠不過

兩三日即可到彼阿桂於二十六日拜發此摺今早已  
到計常青等所駐之地較阿桂更近若賊人畧有滋擾  
之處常青自卽奏聞或彼謀而未成亦未可定但既有  
此言不可不信其有著常青旺保祿等加意防範搜拏  
不可稍有玩忽其大板昭一帶亦係緊要後路並著富  
勒渾郝碩一體嚴密周防勿稍疎懈

公偕豐昇額色布騰巴爾珠爾又奏言九月二十  
一日夜子刻有賊三百餘人來侵木城礮臺經侍  
衛額爾特等督兵出戰直入賊隊截殺額森特福  
康安等聞信俱至共相攻擊賊衆被傷甚衆俱經

潰散而健銳營前鋒六十二衝入賊中射賊最多  
甚爲猛勇吉林烏拉馬甲佟佩射賊箭盡又奪取  
賊人長鎗二杆此二人超勇出衆相應鼓勵

臣謹

道

肯將六十二賞戴花翎佟佩賞戴藍翎其餘効力兵丁賞  
給銀兩再額爾特勇往無前歷來均能出力但已  
係頭等侍衛又曾得巴圖魯名號此次記其勞績  
俟再有奮勇之處一併奏

聞奏入

諭曰阿桂等奏健銳營前鋒六十二吉林烏拉馬甲佟佩

俱超勇出衆甚屬可嘉著加恩將六十三賞戴花翎外  
賞給西解特巴圖魯名號佟佩賞給戴藍翎外賞給多  
布泰巴圖魯名號仍照例賞銀一百兩巴圖魯頭等侍  
衛額爾特著阿桂等將此次勞績記檔俟再有勞績一  
併具奏朕另降旨加恩

十一日

諭曰昨阿桂奏攻勦遜克爾宗右手兩碉若經攻得卽斷  
賊人後路遜克爾宗之寨當必不攻自破距今又已三  
日未識曾否得手盼望殊切今訊據七圖安堵爾蒙固  
阿什咱阿拉供格魯瓦覺一路若得遜克爾宗過去就

是利斯果木地勢畧平到勒烏圖容易此一路金川人最怕其凱立葉一路山勢亦險若由此進到噶爾丹寺下碉卡稀少路好走金川人亦怕官兵由此前進等語是凱立葉一路大有可望前已降旨令豐昇額帶兵前赴凱立葉通知五岱夾擊與該番犯所供相合自係極好機會豐昇額曾否帶兵前往未據奏覆著阿桂豐昇額相商若可進兵卽將何日統兵起程攻剿情形若何迅速覆奏又據卓窩斯甲供勒烏圖雖係金川巢穴但從此過河還有覺則喀拉爾兩處過此纔是噶拉依其覺則喀拉爾山俱陡險恐賊人在彼抗拒各等語阿桂

等不可不知此等情節相機設法妥爲辦理以期早奏  
虧功

十四日

公偕豐昇額色布騰巴爾珠爾奏言查遜克爾宗  
水碉爲賊人緊要之地業經官兵攻克而賊人未  
遽潰竄者因遜克爾宗寨落尙有向西南小山腿  
下至溝底卽係河流路雖較遠而賊人尙可取水  
但其取水山腿上碉卡爲現在所攻之第三碉寨  
所隔若不將第三碉寨攻克則不能越過徑搶小  
山腿之碉卡仍難斷其汲飲據脫出之小金川番

人桑卡爾稱賊目山塔爾薩木坦親帶賊衆在彼  
抵禦查第三碉寨其大小與遜克爾宗相等又逼  
近遜克爾宗賊人鎗石在在可以援應是以稍覺  
費力臣等現惟設法奮攻斷其水路奏入報

聞

公偕豐昇額色布騰巴爾珠爾又奏言查第三碉  
寨既可爲遜克爾宗右手屏蔽又可以護小山腿  
上現在取水之碉故賊人於寨外挖濠寨內挖窖  
藏身密布松鐵竭力死守而南北兩山與遜克爾  
宗官寨內鎗礮又皆互相應援是以攻取稍難但

官兵奪取此處即可往截遜克爾宗之後且官兵連次搶佔第一第二碉寨士氣奮揚尤宜乘勢進攻迅圖深入當卽於二十七日子時督令官兵分隊前進其海蘭察額森特所攻第三碉寨兩隊之兵潛至碉寨砌下各自埋伏俟至五更突然擁進直逼牆根均將攀援而上賊人見勢危急不避鎗箭林立牆門捨命抵禦官兵隨於牆下壘石爲堆乘之以拋火彈而賊仍堅立不動我滿洲索倫兵乘此攢射斃賊甚多賊旋遁入寨內於孔穴中放鎗不絕并於牆缺內拋石如雨維時遜克爾宗寨

後救援之賊欲來衝突經瑚尼爾圖海祿等奮力擊回天色將明南北兩山之賊施放礮位均可及官兵隊內而溝內之賊及碉內之賊上下放鎗合力擊打且又於碉前左右坍塌土石之內挖成地窖設鎗眼於亂石中間施放不絕連撲兩次未能得手因令徐徐撤回臣等現在籌辦爲出其不意使賊人猝不及防之計奏入

諭曰阿桂等奏攻打第三碉尙未能得手甚爲可恨至所稱現在籌辦爲出其不意使賊人猝不及防等語所奏殊未明晰甚爲焦急阿桂或欲出奇密辦不肯預洩固

屬慎重之道但敘以入告又復何碍計此旨到軍營所  
有第三碉自己設法攻得或并遜克爾宗亦已攻取果  
爾甚善若尙有羈延卽將如何出其不意及辦理而未

成之處密行具奏又供內有噶里阿讓欲往布朗郭宗  
底木達放夾壩摩摩阿什咱得爾什思甲欲往別斯滿  
放夾壩之語前據朗木結供及已諭常青旺保祿嚴密  
防守並令富勒渾一併畱心諒亦卽有覆奏近日各卡  
隘防守甚嚴自不致有遺悞阿桂仍當時刻嚴防勿稍

疏懈

諭曰前阿桂奏欲於噶拉依建廟令達賴喇嘛選擇有大

梵行喇嘛往彼居住一欵恐日久金川與西藏聯爲一氣亦難保其不滋流弊莫若於京城選派一人前往聲名似覺更尊已諭知阿桂審度辦理嗣詔之章嘉胡土克圖據稱金川等處原非西藏所屬恐不相習至由京派往之胡土克圖與該處紅教喇嘛支派各別難驟強而相同所言亦是因恩前此德爾格忒白玉寺請赴軍營念經之斯第胡土克圖大徒弟噶爾瑪噶什等三人曾在兩路軍營念經阿桂等稱其頗有梵行或於此內擇其最優者在噶拉依新廟居住管束衆喇嘛並可令畱住之人來京覲謁承受恩賚潛移默化徐消其兇悍

咒詛之邪術似爲妄便以此諧之章嘉胡土克圖深以爲然著傳諭阿桂將來照此辦理

二十一日

公偕豐昇額色布騰巴爾珠爾奏言查遜克爾宗正面碉寨賊人已刨溝挖窖爲併力抗禦之計而其右手相近碉寨今經節次攻取僅存三四兩寨而賊衆悉其力量捨死守拒更屬不遺餘力臣等前於脫出番人詢悉遜克爾宗寨內情形擬令領隊鎮將等先於四五更時直攻正面大碉如其機有可乘固可卽時撲進否則佯爲撤退而另派勇

往官兵潛伏於官寨附近可以藏身之處俟前隊撤退各歸本營之後賊人稍懈出其不意復行突然攻撲自可望其攻取其右乎第三碉寨一面照舊派兵攻打另派勇銳官兵預備俟攻打第三碉寨之兵進攻後卽突從兩大寨中間直衝而進繞出遜克爾宗官寨之後查官寨後小山腿上雖尙有碉卡但賊人力量必聚於前面其後未必尙有多人而官兵於衝過時雖不免抵冒鎗石一過此處卽已斷其往來之路如此兩計並行正面官兵一得遜克爾宗官寨其餘碉寨固必棄之而逃而

繞進官兵果能斷其後路則官寨之賊亦必不攻

自潰

臣

等擬於初四日進攻而初三日夜卽已下

雨且自初五初六以至初八大雪連綿每次積至

三四寸六七寸不等及至昨日稍晴伏思番地秋

冬之間本多雨雪如前歲十月間從甲爾木進兵

風雪甚寒至末旬始止去年則交十月卽已快晴

雖今年此地雨雪較多但交冬已有五六日嗣後

積雪稍消踏凍可行務在督率官兵克期克獲奏

入

諭曰實切盼望之至既定此計一俟天晴勉力爲之

二十四日

賞元狐帽一頂貂馬褂一襲

二十八日

公偕豐昇額色布騰巴爾珠爾奏言賊人勢處窮  
蹙死守愈力急切未能攻克自當另由日爾巴當  
噶一帶爲出奇制勝之計但是處籌林深密碉卡  
亦多賊番已於此分兵防守臣等詢之熟諳地勢  
之番人並與海蘭察額森特等酌議曰爾巴當噶  
以下榮噶爾博以上中間有默格爾一處雖道路  
亦陡險林箐亦深密若從得斯東往北直上山梁

則進攻勒烏圖旣爲得勢而凱立葉日爾巴當噶之賊反在我兵之後賊人拒守亦屬無益可以不攻自潰計所需兵五六千人尙可以竭力抽撥而得因令海蘭察瑚尼爾圖帶兵從深箐中繞過碉寨堵佔默格爾山梁其默格爾之碉卡另派官達色帶兵繞過自上下壓額森特往上夾攻得此碉卡則四隊之兵同上山梁相機分頭辦理但因得斯東前往道路較遠令烏什哈達富興海祿於適中之地帶兵接應其遜克爾宗官寨別畱官兵牽綴卽於十六日戌刻分隊進發此處林箐叢深

崖礪陡削亂石崎嶇之中加以冰雪凍滑官兵手足並用爬越而上十七日丑刻海蘭察瑚尼爾圖之兵將抵碉卡賊已知覺潛來迎敵經海蘭察奮力殺敗卽上默格爾山梁佔住其額森特官達色等督率官兵於海蘭察甫經繞過之時亦卽將墨格爾碉寨三座上下合圍賊雖放鎗迎敵而官兵攀援直上砍開碉門殺死二十餘人餘俱墜入深澗維時額森特等一面畱兵交與富興烏什哈達海祿等佔據一面與官達色帶兵趕上山梁同海蘭察等會合將至天明相度地勢令瑚尼爾圖帶

兵直佔日爾巴當噶西面突起高峯而海蘭察額森特等帶兵向西面密拉噶拉木山嶺往下攻壓遂將密拉噶拉木大寨一座石碉四座攻克其凱立葉官寨大小與遜克爾宗相等附近寨落頗多即在密拉噶拉木山陰官兵乘勢進攻又將各寨同時克獲剿殺賊番男婦亦多迨至未刻敗遁之賊與勒烏圖等處救援之賊分爲三股來衝頭卡我兵亦分三隊乘勢下壓追趕數里鎗箭齊發亦多殺戮查此次官兵因稍淹時日積憤愈勵從並無路徑之處攀越仰攻而進竟日徹夜毫無歇

息無不踴躍爭先而賊人亦因出其不意雖竭力  
堵禦究已張皇失措是以殲斃至一百五十多名  
擒獲活口五名割取首級三十七顆佔據大碉寨  
房二百餘間所奪礮位馬匹及牛羊鎗矛等物無  
算而官兵內傷損甚少今所據之密拉噶拉木從  
右手山腿而下距噶爾丹喇嘛寺不過十餘里而  
前抵勒烏圍賊巢亦不過二十里且日爾巴當噶  
雖尙有賊人佔據但前後皆有官兵自不能復爲  
死守諒可與五岱之兵不久會合此皆仰賴

睿謨指示因得又破一層險隘除將緊要營卡趕緊嚴擋

並相度機宜迅圖進取奏入

諭曰阿桂等奏攻得凱立葉下截山梁奪碉殺賊情形一  
摺此次將軍等用間出奇制勝調度有方領隊大臣及  
在事弁兵均奮勇出力奪碉殲賊甚屬可嘉阿桂豐昇  
額色布騰巴爾珠爾俱著交部議叙海蘭察額森特尤  
爲超勇出羣已授爲參贊大臣仍交部議叙其餘將領  
弁兵俱著阿桂等查明咨部分別議叙獎賞以示鼓勵

恭錄

御製詩

將軍阿桂等奏報攻佔默格爾山梁並奪碉殺賊情

附錄卷之三

形詩以誌事

遜克爾宗賊門戶攻餘兩月未能開因教繞道乘其隙因  
阿桂在遜克爾宗攻勦日久未能即得因思日爾巴當噶  
爲必須攻取之地商之阿桂或令豐昇額帶兵數千馳赴  
凱立葉與五岱合力攻壓可取夾擊之遂得登峯殲厥魁  
利現在覓間進攻之路適與前相合

阿桂奏探得日爾巴當噶以下榮噶爾博以上其間有默  
格爾山梁若能襲取則進取勒烏圖既爲得勢而凱立葉  
日爾巴當噶之賊皆在我後計可不攻自潰因令海蘭察  
等繞過前往擒佔默格爾山梁額森特等奪獲碉卡瑚尼  
爾圖帶兵佔據日爾巴當噶西面高峯海蘭察額森特復  
攻壓密拉木大寨及其旁碉卡盡行攻克並克獲凱立葉  
各寨通計殺賊一百五六十生擒者五擒得大碉寨房二  
百餘間鎗矛牛羊糌粑等物無算聞之稍慰佇俟捷音踵  
至榮噶巴當應棄守阿桂稱現據之密拉噶拉木距噶爾  
圖城巢亦止二十里今經官兵佔據則榮噶爾博之敗已  
失其險日爾巴當噶雖尚有賊而前後俱有官兵城自不

能復爲死守之想可迅掃勒烏圖以期大功速戰至此次  
官兵因沮滯日久積憤愈勵於金無路徑之處不避險滑  
攀越力攻竟日徹夜不少休息可嘉之中復爲憐惜因勅  
部議叙其海蘭察額森特尤爲勇敢起羣特授參贊大臣  
以示勵圖噶喇速成摧諸臣努力憐爲慰朝夕紅旗望報  
來

公偕豐昇額色布騰巴爾珠爾又奏言此次進剿  
以來滿洲索倫官兵弓箭第一得力深爲賊人所  
畏但番地大石林立樹木叢深所發箭枝最易損  
壞臣等雖嚴飭各官兵撙節使用打仗之後隨時  
揀回而可用者不過十之二三且在平原接戰賊  
衆一經敗竄即可將箭枝盡數揀回而此地箭枝

其射落於碉寨內外者一時既難揀拾及至攻破  
碉寨後又已不堪應用現在臣等一路所存之箭  
雖有贏餘但統計宜喜馬奈各營均有滿洲索倫  
官兵自當寬爲預備前准彰寶抄送奏稿稱滇省  
所存之箭除已赴川省外尙存二十二萬八千餘  
枝現在修飾完好裝貯伏思此時川滇一路全無  
別項運送物件箭枝送川甚爲便宜不過一月有  
餘可抵成都臣等已行文圖思德令於所存箭內  
再辦十萬枝速送川省查收備用卽爾時軍務已  
竣而將此箭枝畱貯成都亦與在滇無異奏入

上是之

十一月初六日

公偕豐昇額色布騰巴爾珠爾奏言自凱立葉以至榮噶爾博一道山梁袤延直抵勒烏圖處處有險可恃實爲賊巢屏蔽今官兵攻過山梁賊人已失其險情形窘迫是以十七日未刻滋擾之後復於十八日子刻又有三百餘人來衝額爾特與奎等營盤侍衛等一見賊踪分頭奮擊傷斃多人始行敗竄臣等察勘默格爾以西布拉克森格斯巴爾兩處碉寨甚多是日派海蘭察額森特等帶兵

先壓布拉克森寨落憑高撲進賊人驚竄官兵卽進攻格斯巴爾兩處寨落三百餘間悉行燒燬至十九日早望見格斯巴爾寨下峯巒突起之處名羅卜克鄂博聚集多賊壘石拏卡思欲阻我兵進取之路隨令巴圖魯侍衛柏凌等分兵兩路直前衝壓殲斃賊人之外四散逃潰又將羅卜克鄂博佔住並分兵攻取色埒爾等十寨臣等思曰爾巴當噶以至達爾札克所有賊人碉卡俱在我兵之後不可不急爲掃除卽令富興保寧各於本隊內抽出官兵先辦日爾巴當噶山陽之賊該處寨落

甚大寨後山頂築有碉座寨之左右又有五碉相  
護官兵先將寨落攻佔并派瑚尼爾圖帶兵接應  
乘勢將左右五碉全行攻克餘賊竄入山頂各碉  
之內合力拒守臣等令烏什哈達福康安保寧由  
日爾巴當噶之東南迤邐斜上進攻達爾札克山  
梁各碉富興海祿繞出日爾巴當噶之後進攻山  
脊中間沙爾達朗碉座臣色布騰巴爾珠爾策應  
其日爾巴當噶山頂各碉臣豐昇額督同額森特  
瑚尼爾圖率兵攻打俟此處圍攻後海蘭察帶兵  
一千由兩碉中間乘隙直衝而過與烏什哈達合

力攻取均於二十日戌刻進發額森特等之兵先至日爾巴當噶山頂各碉賊尙抵死守禦攻至二十一日寅刻四面撲進賊不能支官兵遂將各碉佔據至達爾札克一處福康安保寧攻其下烏什哈達攻其上是處碉卡林立峯巒如削比至寅刻之間烏什哈達督兵蟻附而上直抵碉根四面撲入賊人勢難支拒又見海蘭察之兵將到卽棄碉滾崖而遁福康安保寧所攻達爾札克下截各碉亦均克獲富興海祿進至沙爾達朗是處共有五碉攢在峯頂之下官兵拋入火彈卽時克取并克

伊格爾瑪迪伊格爾瑪咱碉卡又羅卜克鄂博溝  
口尙有碉寨七座亦經額森特奪獲焚燒所有凱  
立葉上下山梁碉卡及附近寨落均已掃除淨盡  
當與五岱會合惟是現有官兵除畱駐新得地方  
外不敷前進之用臣等現將附近後路官兵盡力  
抽撤約須五六日方能妥辦如抽撤及前敵之兵  
合之可得七八千卽一擁直壓以成破竹之勢奏

入

諭曰將軍阿桂自統兵進剿以來實心調度諸事皆合機  
宜此次又將日爾巴當噶全行攻克接通凱立葉指曰卽搗

勤烏圖賊巢甚屬可嘉着授爲御前大臣並賞戴雙眼花翎用昭恩簪  
又

諭曰阿桂等奏攻克日爾巴當噶等處碉寨並接通凱立葉上截殲戮賊衆覽奏深爲欣慰從此攻取噶爾丹喇嘛寺勢俱下壓自屬便易但遜克爾宗尙未攻得仍恐賊自南而來邀截後路此時阿桂若能將遜克爾宗一併攻克自尤妥善否則榮噶爾博一帶山梁甚關緊要前此曾於圖內用硃筆標記兩圈令阿桂派兵佔據阿桂務當斟酌妥辦若已經佔得始免後路顧慮又據奏脫出之綽斯甲布番人雍中爾結供稱莎羅奔兄弟現

又回勒烏圖念經拒守等語逆酋兄弟聚集一處其計  
畫自必更甚若我兵攻破勒烏圖將逆酋一併擒獲則  
噶拉依併可傳檄而定成功尤爲迅速惟是逆賊狡黠  
多端恐見官兵勢盛難敵派人在勒烏圖抗拒而索諾  
木莎羅奔弟兄仍回噶拉依爲三窟之計以冀緩死須  
臾亦未可定阿桂統兵抵勒烏圖時一面進兵攻打一  
面選派大員帶兵千餘往截勒烏圖至噶拉依之路使  
其無從竄回於勦捕尤爲得力惟當妥酌籌辦毋稍疎  
懈

初七日

諭曰阿桂自用爲將軍以來立意進剿籌度合宜屢戰克捷現在內外大臣實無出其右者甚屬可嘉至昨奏欲俟抽撤附近後路官兵合力進剿朕揣其意似以逆曾兄弟現聚一處若兵數單弱恐不敷邀截之用致逆曾逸去故欲俟後路之兵抽調充足進搗勒烏圖使逆曾無從竄逸著傳詢問阿桂其所以待兵之意是否如此若果如朕所料自當妥速而行

十三日

公借豐昇額色布騰巴爾珠爾奏言查作固頂穆爾津岡等處賊人寨落一時尙未掃盡則自達爾

扎克以至日爾巴當噶現須派兵駐守所有達爾  
扎克一路原設兵丁僅敷聯絡分駐之用其遜克  
爾宗後路官兵儘力抽撤連前敵之兵約共得七  
千餘人可供進取惟密拉噶拉木西南直至勒烏  
圖賊巢俱在榮噶爾博山陰此山大勢皆向河而  
下山腿共有四條南一路下至河沿爲冷角喇嘛  
寺稍北一條爲勒吉爾博賊番於上半截設有碉  
卡木城下至河沿爲噶爾丹喇嘛寺又稍北一條  
名康薩爾其上亦有碉柵山腿稍短不及至河而  
止正北一條卽羅卜克鄂博現在設立營卡臣等

從密拉噶拉木進攻下壓勒烏圖則康薩爾勒吉爾博賊皆拒守甚嚴難免有稽時日查羅卜克鄂博西下過溝另有山腿一道名格魯克古自東北而西南係作固頂之麓迤邐下至河邊又分爲兩小腿北有格爾提寨南有得式梯官寨官兵取得山腿兩寨已直抵大河其作固頂穆爾津岡康色達陡烏當噶各處賊寨均爲大兵隔斷不能復與勒烏圖往來是賊境東北一帶可以先爲掃淨由此進搗巢穴更無他顧其康薩爾勒吉爾博賊寨亦已徒守無益臣等擬派兵兩隊一攻康薩爾一

攻勒吉爾博牽綴賊勢其從羅卜克鄂博至格魯  
克古山腿中間溝內尚有碉卡一座又派兵兩隊  
一憑高攻搶溝內碉卡一直上山腿從山下壓攻  
取格爾提寨其溝內之兵於攻克碉卡後順溝而  
出攻取得式梯寨賊人斷不能處處防範可期必  
克臣等部署已定卽於兩日內奮迅進攻至遜克  
爾宗爲勒烏圖一帶緊要隘口臣等雖令富興會  
爾會成德常祿保寧等分路防範仍須大員總統  
查五岱係參贊大臣若在彼隨時督率自更妥協  
現已商令移駐日則丫口金令審察遜克爾宗情

形一有可乘之勢卽行搶佔

公偕豐昇額色布騰巴爾珠爾又奏言從遜克爾宗前往勒烏圖本有番人平日往來之道但榮噶爾博一道山梁路徑陡險林箐叢深且賊碉嚴密難期深入是以大兵從並無路徑之默格爾山梁繞出榮噶爾博背後先得凱立葉下截山梁而臣豐昇額金已接通凱立葉上截之兵從此據高直取勒烏圖更不必由遜克爾宗而榮噶爾博已自失其險進搗實爲較易至勒烏圖沿河一帶雖有路可抵噶拉依然地處低下究以循山上行爲得

勢查勒烏圖溝水流入於勒烏圖前面大河其將  
近會合處有甲爾日礮橋在勒烏圖東南應從橋  
前進上巴爾覺山進至噶爾丹該處山腿兩條一  
係直下雍中喇嘛寺一係直下噶拉依若大兵抵  
此即可掃滅賊巢臣等一得勒烏圖定由此路進  
攻均奏入

諭曰阿桂等奏分路進攻一經得手卽無難進取噶爾丹  
寺果爾則阿桂與明亮可以會勦勒烏圖至所稱由勒  
烏圖往噶拉依之路旣係阿桂體訪得實自屬可信但  
官兵聲勢甚盛恐賊衆度不能支潛回噶拉依不可不

設法防截又據奏遜克爾宗爲勒烏圖緊要隘口擬令五岱移駐日則丫口遜克爾宗原屬現在緊要後路不可無人防守五岱帶兵駐彼自可望其得力

十八日

公偕豐昇額色布騰巴爾珠爾奏言臣等相度榮噶爾博山陰形勢酌擬分隊進攻壓至河邊截斷賊境東北卽於初三日派烏什哈達海祿等帶兵從羅卜克鄂博往攻溝內碉寨又派海蘭察額森特等各帶兵一隊俟烏什哈達等先取溝內碉寨額森特卽繞出溝口攻取得式梯官寨海蘭察等

卽踰溝搶上格魯克古山腿下壓格爾提官寨又  
派官達色等帶兵堵截格魯克古上截來援之賊  
又派福珠禮書麟保寧特成額等分攻榮噶爾博  
最高峯頂及康薩爾山半賊碉以牽其勢是日子  
刻分隊進發烏什哈達等前至溝中見山腿有三  
座碉寨相連極爲鞏固地勢險窄係兩路官兵所  
必經隨卽奮勇圍撲一面拋放火彈攀越碉頂寨  
內賊人甚衆鎗石如雨且相連各碉之賊合力抵  
拒官兵難以接踵而登又各山梁賊衆均來應援  
雖奮力迎擊賊俱遁入林箐而一時遽難得手因

將官兵暫撤查溝內相連碉寨其名達斯扎賊人逆知羅卜克鄂博之兵進取必由此處攢集多人死守力攻未免稽時

臣

等相度形勢是溝迤邐斜上其中碉寨甚多由此而上格魯克古丫口箐林

更密石礪更陡進攻不無冒險接續亦爲非易若

令官兵潛斫木植運往賊人不見之地俟官兵橫

截而登隨後趕拏木柵接連直至溝底則官兵既

無後慮而一面勦洗當噶海碉寨一面踰越丫口

而西順壓大河之岸必能將陡烏當噶作固頂穆

爾津岡草什戎岡康達色一帶賊人掃除淨盡會

合五福丹壩之兵

臣等派海蘭察瑚尼爾圖那木

扎泰斐英阿官達色領兵一隊額森特福康安彰

靄領兵一隊各裹帶乾糧爲踰溝直搶丫口之兵

又派烏什哈達海祿特成額保寧緊隨前兩隊官

兵攻打溝內兩旁碉寨牽綴賊勢並趕築木柵以

資聯絡初五日丑刻海蘭察額森特於林深月黑

之時潛密下溝均望格魯克古丫口前進是處崖

礎壁立手足攀援及至天明官兵登丫口者僅有

五六百人其餘正在續上而各寨賊人已攢入據

守滾石放鎗併力抗拒且自上而下直前衝突巴

圖魯侍衛薩爾吉岱等向上奪擊射斃數人賊始

逃遁我兵勇氣倍加緊隨追殺將丫口內當噶海  
寨落佔住乘勢直上又將陡烏當噶大戰碉攻克  
海蘭察額森特等一面帶兵循染直壓至桑噶斯  
瑪特一面由陡烏當噶山腿下來將沙木拉渠什  
爾德格布則美第格布則美谷格爾提官寨金溝  
內一帶寨落攻克焚燒是時作固頂草什戎岡各  
碉寨尚有賊衆但官兵越嶺攀林轉戰一日時已  
昏黑令暫歇息而烏什哈達等已將豎柵木植穿  
插鬪合之處預先配合俟海蘭察等過溝督兵豎

起從山下溝不及半日已共起木柵二十餘座將達斯扎以上各寨賊人圍截於內海祿又將溝內之噶納爾覺克爾布沙巴克烏等碉寨一概攻獲至初六日丑刻海蘭察督兵上攻草什戎岡是處雙碉對峙賊人尚在拒守我兵一擁直上卽將碉寨攻克殲斃甚多其作固頂賊衆業已胆落官兵痛加殲戮將此一路戰碉俱行分據是日分派官兵一從草什戎岡下至斯博斯底毅什球勒畢各寨一從作固頂下至格木伊魯拉谷則爾雜谷康巴達各寨一從作固頂至穆爾津岡將山溝內之

特羅克羅及山梁各碉沿河各寨悉行勦洗焚燒  
臣 豐昇額色布騰巴爾珠爾親上山梁派巴圖魯  
侍衛柏凌等帶兵往截接丹壩官兵而五福已隔  
嶺見各處烟焰飛騰督率官兵將魯籠籠瑪讓戰  
碉數座搶佔燒燬現已兩路會合統計此次大兵  
攢越四道山溝五道山梁直壓河岸而每道山梁  
迤邐各有一二十里二三十里不等官兵連日繼  
夜乘勢奮攻殺賊二百餘名克獲戰碉五十餘座  
寨落三百餘座平碉民寨不計其數竊思凱立葉  
丹壩兩路官兵今已接通會合金川東北一帶賊

匪淨盡後路漸覺放心惟是日旁官兵此時尚未  
下至河邊所以由作固頂以下直至沿河尚須派  
兵駐守遂令五福在此分設營卡畱心防範又從  
後路抽撤官兵卽日派海蘭察等由得式梯官寨  
合力進攻奏入

諭曰阿桂奏大兵攻過格魯克古丫口接通丹灞覽奏深  
爲欣悅此次官兵等見距賊巢甚近奮勇直前踰越林  
嶺晝夜鏖戰所至克捷皆由將軍阿桂等審察形勢調  
度有方甚屬可嘉所有將軍參贊等及在事出力將弁  
均著交部從優議叙其奮勇出力各員俟阿桂等查明

奏聞另加恩獎

二十五日

公偕豐昇額色布騰巴爾珠爾海蘭察額森特奏  
言官兵前日循格魯克古山梁而下已壓至桑噶  
斯瑪特初九日臣海蘭察額森特同福康安瑚尼

爾圖官達色等帶兵將出籌邊見有賊卡兩座官  
兵憑高躍入殺賊數名餘賊潰散其下尚有小山  
腿四條賊先已起木柵三座石城一座各山腿左  
右溝內均有賊寨督兵攻打賊衆守禦甚嚴因將  
箭邊賊卡起柵佔住漸次撤回初十日臣海蘭察

額森特復同福康安等分路壓攻殺賊二十餘名  
負傷逃遁者亦衆隨將左手第一山腿克獲其餘  
各路官兵亦俱奮力攻打賊人壘石爲牆掘地爲  
溝防護愈力圍攻至二更以後賊始從林箐奔逃  
官兵截殺及追擊殲斃者二三十人渡落崖箐者  
無算三道山腿木寨亦盡佔據查桑噶斯瑪特一  
帶山梁並無水泉雖官兵攻得格爾提官寨已抵  
金川大河之岸而距此甚遠且瀕河地面尚有賊  
寨官兵取水仍回至當噶海下格魯克古溝汲用  
往來須四十餘里應由山腿拏柵直屆河沿取攜

始便十一日早臣等令官兵擎起木柵於賊人碉寨中橫穿而過雖兩面放鎗而官兵踴躍赴功逐一擎起賊衆二三百人前來衝突又經援應官兵迎擊截殺戮斃五六十名餘俱望風奔竄維時附近山腿碉寨其被兵繞截木柵內者業經勦洗而瀕河甲爾納碉寨一處仍有賊人拒守又於十三日派兵三路進攻賊人併力抵禦並於攻急之時出寨衝突又用皮船過渡潛入寨內賊數漸增鎗石益密不值多損官兵因令暫撤官兵自桑噶斯瑪特而下至現在擎柵之處離得式梯官寨僅二

三里距噶爾丹寺不過六七里是以賊人卽於甲爾納寨又爲苟延殘喘之計但此處地形較敞尚可用圍截之法使其技無所施但須乘衆人張皇之際迅期克攻庶不至停畱長智

公偕豐昇額色布騰巴爾珠爾又奏言

臣等

西路

官兵前因各山梁後路皆須分兵駐守在遜克爾宗時儘得五千餘人攻克默格爾山梁又於大營及後路抽出二千攻克曰爾巴當噶及達爾扎克惟時前敵打仗之兵合計已得七千餘名遂卽攻據格魯克古丫口併將作固頂穆爾津岡一帶全

數掃淨其達爾扎克駐守之兵既可抽撥而丹壩無需駐守臣等又將五福原帶官兵調來用以進搗勒烏圖足數攻取一至勒烏圖則榮噶爾博與遜克爾宗之賊勢必不攻自竄卽將此山梁前後分駐官兵合力進搗噶拉依亦不虞其單弱臣等從前自谷噶繞至登谷羅博瓦又自遜克爾宗繞上默格爾山梁皆係自東南而西北今順河前進又係自東北而西南從此每進一程皆有可以抽撤之兵通盤核計則所抽兵丁已足供前進掃犁之用至明亮處雖已攻克日旁而以距勒烏圖遠

近計之尚在西路官兵之後此時日旁宜喜軍營  
隔河遠望俱在目中似從日旁進攻不如從達爾  
圖木克什下攻較爲便捷

公偕豐昇額色布騰巴爾珠爾又奏言查凱立葉  
山梁自達爾扎克迤邐而下中爲伊格爾瑪咱伊  
格爾瑪迪沙爾達朗日爾巴當噶又由日爾巴當  
噶蜿蜒漸下始爲凱立葉寨五岱所駐營盤在達  
爾札克之上相距尚有五十餘里臣等前於十月  
十七日攻過默格爾山梁將凱立葉官寨民寨悉  
行攻克焚燒中間日爾巴當噶等處至二十一日

克取始能接通五岱凱立葉之兵隨將作固頂穆爾津岡各處掃淨而順從陡烏當噶山腿下壓河邊而南進攻噶爾丹寺從此進取賊巢雖仍須越過勒吉爾博及冷角寺兩條山腿之末然地形稍敝似易得手况官兵攻至勒烏圖則榮噶爾博各峯之賊負嵎無益勢必不攻自潰至遜克爾宗既無榮噶爾博賊衆救應亦必棄而勿守似不虞其翻山而下截我後路均奏入

諭曰據阿桂奏稱從日旁攻進不如從達爾圖木克什等處下攻較爲捷便與朕意正合君臣意見相同卽此足

見迅速成功先必尅聽捷音又奏到新舊兩圖閱其圖說阿桂現在進攻噶爾丹寺之路與朕硃筆標記相同自可盼乘勝速進至所稱桑噶斯瑪特一路官軍取汲約四十餘里因令其由山腿攀柵直屆河沿取攜始便所辦甚是自當如此籌畫至閱新圖內格爾提寨之北對河西碉有賊卡一處恐賊人偷渡河東潛截格爾提一路官軍之後不可不慮因用硃筆圈記阿桂當於其處加意防察又賊卡西北距明亮軍營甚近若能一體嚴防勿令渡河滋擾自更妥協至所云須乘賊人張皇之際迅期克攻庶不至停畱長智所見甚是朕早以此

爲念是以屢催將軍等相機速進今阿桂亦見及此尤  
望其乘勝深入迅奏膚功至所稱官兵攻至勒烏圖則  
榮噶爾博名峯之賊不攻自潰卽遜克爾宗亦必棄而  
勿守就大概情形而論固屬如此但榮噶爾博遜克爾  
宗兩處究係大軍後路萬一我兵進攻勒烏圖時賊衆  
在後將臺報糧站畧爲阻梗大有關係阿桂等惟當實  
力嚴防切勿稍存大意

十二月初三日

公偕豐昇額色布騰巴爾珠爾海蘭察額森特奏  
言官兵於桑噶斯瑪特右手山脚下及瀕河甲爾

納等處均已擊柵進逼但賊番聚集死守又復隔  
河放礮其旁崖洞又有賊放鎗抵禦難以擊柵直  
下官兵駐此每日須添兵仍上當噶海下至格魯  
克古溝取汲殊爲費力查羅卜克鄂博與格魯克  
古中間溝內有達斯扎寨六座前此攻而未克察  
看其下有溪水一道係從桑噶斯瑪特左手山腿  
之下西南流入大河攻克此處則羅卜克鄂博與  
格魯克古官兵聲勢更爲聯絡而由桑噶斯瑪特  
山腿下溝取水亦覺稍便即於十五日派海祿保  
寧等分兵抄下左右合攻賊衆四散奔竄經官兵

殲斃二十餘人餘賊不敢從正路逃去滾落崖箐之下跌斃亦多遂據碉寨六座並拏木柵直抵溪水之上臣等查看桑噶斯瑪特正支山腿之下距河亦近但賊人先已拏有木城石卡其前兩邊又有寨落十六日派福康安瑚尼爾圖等分兵三路下攻克取木城石卡其前右手賊寨亦於十七日派兵攻得查是處寨落賊人前因距河稍遠憚於下汲即將達斯扎溝水挖梁一道引至寨旁取用究不如大河取水更爲穩妥但瀕河與甲爾納相連之寨落兩處賊人聚集死守仍未直抵河邊而

兩旁鎗石交加力攻恐多傷損稍用礮力轟摧自能撲取現鑄就四將軍礮位運往轟擊乘勢搶撲務期必克再桑噶斯瑪特正支山腿下土岡一處現有官兵駐守所起木柵尚未齊全臣等計賊人必來搶佔先已派兵設伏十九日丑刻後果有賊二百餘名欲侵擾土岡迤西木城各兵合力勦殺賊番奔竄殲殪亦爲不少奏入

諭曰阿桂雖未能直攻克得式梯然已佔據溪水官兵汲飲有資且又多殲賊衆於進剿機宜甚爲有益看來賊番因官兵日有深入之勢早已聞風胆寒得式梯噶爾

丹喇嘛寺兩處自亦無難攻取即可望直逼勒烏圖就各路情形而論阿桂最爲正路且易得手佇盼紅旗捷奏

初十日

公偕豐昇額色布騰巴爾珠爾海蘭察額森特奏  
言臣等思遜克爾宗尚有賊番固守惟什爾德山  
腿分支有舍圖旺卡一處若得此處則遜克爾宗  
之賊往還不便自難固守而賊酋等又恐大兵分  
路進亦可以大分其勢當派普爾普等帶兵進  
攻其桑噶斯瑪特山腿下甲爾納相連兩寨節經

運到礮位施放兩日碉身孔穴亦多因於二十八  
日丑刻進取惟是該處山礮甚高官兵跳躍而下  
不無聽聞聲息官兵將抵賊寨卽已鎗石交加死  
守抵禦攻至寅刻各處賊番沿河潛入寨內合力  
抗拒未能卽克

公偕豐昇額色布騰巴爾珠爾又奏言金川小頭  
人綽窩斯甲至營臣面加詢問告以若能詳悉吩  
咐令衆人解體亦足見汝出力卽令綽窩斯甲到  
卡倫前高聲曉諭以現在

大皇帝所欲誅者惟在土司索諾木及作惡大頭人丹巴

沃雜爾山塔爾薩木坦阿木爾克窩斯甲當噶拉  
阿納木數人其餘若能投出均予寬宥若被大兵  
圍住寨落再無饒恕今大兵已抵此處指日攻至  
勒烏圖須各自打算不可錯悞又有其親戚二人  
前來綽窩斯甲復密告以爾等若能同莎羅奔等  
謀將土司擒獻不惟免罪還可有功惟時臣等先  
派屯弁阿拉班達爾甲土弁廣噶等在旁監視體  
察綽窩斯甲所與賊番言語俱係切實曉諭尚無  
暗使狡詭情形查綽窩斯甲前往曉諭明係渙散  
人心之計賊衆似宜憤怒乃聽聞之下俯首無詞

其爲衆心漸散於此可知均奏入

諭曰阿桂等所攻甲爾納一處爲進剿得式梯噶爾丹寺路所必經賊匪自必悉力拒守攻之頗爲不易其得式梯噶爾丹寺兩處諒亦相同但形勢均屬自上壓下尚無難設法攻取且有大礮轟推尤可望其迅速得手惟是大兵深入功在垂成一切倍宜慎重固不可過於寬縱使賊匪得以負固稽誅亦不可冒昧輕進致有小挫遺悞阿桂等惟當斟酌妥行又據奏綽窩斯甲到軍營卽令至卡倫前曉諭衆番似覺心動是綽窩斯甲尙知順逆誠心內向至其密告親戚謀將土司擒獻之言雖

有廣噶等在旁監視未識曾否聞其密語如所言果係  
如此尚屬意圖報効阿桂或再察其在營舉動安安金  
不妨賞給藍翎金頂以示獎勵不必復交成都安插

十八日

公偕豐昇額色布騰巴爾珠爾海蘭察額森特奏  
言查現在事機當以攻至瀕河爲要臣等親至桑  
噶斯瑪特之下詳察情形該處左手第二條山腿  
地勢稍平佔得此處官兵汲飲有資然後可抽出  
多兵爲直前繞截之用且明亮處前敵賊人欲往  
勒烏圍必先至斯木咱爾又必由斯牟木咱爾經

過茹寨始抵賊巢對岸而茹寨與斯牟木咱爾中  
間臨河一綫細路在所必經若西路官兵據住河  
沿移礮轟打對岸臨河之路則明亮前敵賊人往  
來不便情形必爲窘迫臣等密飭官兵砍伐木柵  
一俟攻克寨落即可運往擎起以便佔據河沿至  
前月三十日亥刻賊人偷竊副將李天佑所駐格  
布則美第不卡我兵奮力迎戰總兵五福又從陸  
烏當噶往援內外合攻賊人被傷擊斃甚多又本  
月初二午刻陝兵營卡之前有賊從溝而上官兵  
向前衝壓亦卽竄逸至初三日子刻又有賊約二

百人來擾達斯扎溝內卓克采土兵木卡土兵俟  
賊人近卡放鎗擲石賊不能進總兵保寧帶兵趕  
往分爲兩翼合力攻擊賊卽渡溝奔竄官兵趕殺  
殲斃最多又初三日總兵成德領兵修整遜克爾  
宗礮臺賊從溝底來擾官兵鎗石齊發賊人驚走  
官兵乘勢衝擊殺賊數名現仍飭各卡官兵加倍  
防守

公偕豐昇額色布騰巴爾珠爾又奏言初三日投  
出尼僧布薄一名稱係小金川別斯滿人上年被  
金川拏去給噶拉依呢瑪噶爾巴家使喚因衣食

缺少逃出臣等察其詞色似非實情初四日據穆  
塔爾密稟我看布薄據稱並非自己逃出因莎羅  
奔將布薄喚至勒烏圖令頭人僧格語以汝是別  
斯滿人可出去告知穆塔爾如今官兵攻打利害  
我土司索諾木不知是否饒得卽寄一實信因此  
遣我出來臣等察看穆塔爾因莎羅奔等潛遣人  
與伊說話雖經據實回稟尙多恐懼再三慰諭並  
告以莎羅奔等旣遭布薄出來不妨將計就計另  
差一明白妥當人進去只說我將軍大人意思土  
司及作惡大頭人是斷不饒至汝等各自投出可

保無事視其實在情形再作辦理臣等查呢瑪噶爾巴是丹巴沃雜爾女婿其僧格亦係丹巴沃雜爾親戚或係伊等見勢危急希圖打聽真信以進行止又不便與布薄當面吩咐因令僧格轉達看來賊人弟兄上下之間均不免有各自爲謀之意除一面上緊攻打外再行酌辦均奏入

諭曰甲爾納地方逼近賊巢自必悉力拒守但其地無險可恃賊衆不過爲護死支持之計其勢斷難久延若我兵相機攻取當不至十分費力阿桂等當實力妥爲之又閱脫出番人桑阿供聽見頭人山塔爾薩木坦說官

兵取水艱難我們欲到陡烏當噶去截斷後路等語阿桂摺稱賊於前月三十及本月初二初三等日在格布則美第及達斯扎溝等處潛出滋擾其地與陡烏當噶一帶相近所供不妥但賊人滋擾四次俱經官兵知覺極力禦擊殲賊頗多並未能稍逞伎倆自可不致疎虞惟是功遠垂成倍宜加意防守阿桂等當嚴飭各將領弁兵等小心守禦慎之又慎又稱若西路官兵據守河沿可移敵轟打對河之路所辦甚好阿桂等卽當儘力轟摧對河碉卡使賊難以存畱明亮等亦當探聽阿桂一路隔河攻擊稍有得手卽領兵前赴斯牟木扎爾奮

勇攻勦與阿桂對河官兵遙爲夾擊之勢賊必望風潰散卽由彼順取茹寨便可與阿桂夾擊得式梯自更爲得力至另摺所奏穆塔爾密稟金川投出之布薄看來穆塔爾係誠心投順之人見此詭詐情節卽向將軍實告甚屬可嘉著加恩賞給二等侍衛以示獎勵

二十一日

諭曰閱阿桂前此覆進地圖據稱桑噶斯瑪特尙有迤邐斜下河邊山腿四道今補行繪入并據稱桑噶斯瑪特左手第二條山腿地勢稍平得其沿河寨落卽先拏棚佔住等語阿桂之意似欲攻克甲爾納寨再往得式梯

但甲爾納寨賊人因其逼近賊巢悉力守拒取之似不甚易若路所必爭轉不免稍稽時日因閱圖內形勢柔噶斯瑪特往南一帶並無山巒阻隔地形稍平若過小河前往可以不由甲爾納寨逕過攻得式梯或出其不意可望迅速得手已用硃筆標記其處如前此阿桂在格魯瓦覺必欲攻得遜克爾宗再進經朕用硃筆標示進兵之路阿桂果越出榮噶爾博等處由羅卜克鄂博進兵遂攻得作固頂呈格爾提一帶與朕所指適相符合則現在指示硃線或與進兵之路有益亦未可定著將此圖發給阿桂令其斟酌妥辦

二十五日

公偕豐昇額色布騰巴爾珠爾海蘭察額森特奏  
言桑噶斯瑪特左手第二條山腿下沿河寨落一  
經攻取可以隔河轟打斯牟木咱爾賊人往來之  
路因於初七日寅刻臣海蘭察額森特帶兵從正  
路進攻又派瑚尼爾圖福康安分爲兩翼前進惟  
是沿河山腿石包之上豎立堅碉碉前又有木城  
遮護官兵奮勇直下不避鎗石緊貼柵邊賊雖死  
力抵禦而我從木柵縫內用箭射入並拔起木柵  
以木棍擊打賊不能支遂將木城攻獲殺賊共五

十餘名乘勢追攻戰碉連撲三次直至寨牆之下  
拋入火彈賊於正面放鎗抵禦其沿河各寨之賊  
合力來援雖經官兵殲斃甚衆餘仍潰入石包左  
右山溝藏匿又從兩邊合力放鎗官兵欲下溝衝  
殺則此處皆隔陡礎難於直下因徐撤出至是日  
進攻康薩爾山腿大碉木城亦分爲四隊烏什哈  
達保寧於密拉噶拉木山梁向西面迤邐前進攻  
取第一碉寨特成額進攻第二木城海祿進攻第  
三木城瑪爾占富紳等進攻第四碉卡金於寅刻  
各隊前進其烏什哈達保寧之兵又分兩隊一從

山脊直進一從林內穿上其從山脊直進之兵第一碉內賊人望見卽已併力放鎗鎗烟濃合密罩碉卡之上官兵轉乘此拔開鹿角直抵寨下合攻其寨牆上有賊舉鎗外擊經貴州兵丁孟文光接住鎗杆將賊連鎗擊下立時砍斃至特成額兵潛至第二木城突然攻上將外面木柵拆開賊人窘急卽於內一層捨死抵抗其露身木城之上者多被擊斃其海祿所帶官兵踰溝直取第三木城已將木柵扳倒詎木城之內尚有石牆周遮堅固憑以竭力死守而瑪爾占等所攻之碉亦至碉根忽

有兩隊賊人一從坡上箐中一從溝內共有數十人前來衝突官兵未能直上而榮噶爾博之賊先來接應附近之第一碉經保寧等督兵迎擊殲斃數賊餘皆入碉助守海祿特成額所攻之兩木城亦均有賊人接應俱經截殺數人而餘賊從後而入併力固守未能卽克各隊遂以次酌撤惟時賊人乘勢衝壓海祿之兵被章京新達蘇帶領吉林索倫兵接應殲斃甚多其特成額處將撤之時亦有賊人下壓特成額出其不意回身接戰亦殲數賊餘俱竄回臣等相度情形當於初八日砍伐木

植初九月初十兩日擎起木城六座直逼第一碉寨  
賊人情急當有榮噶爾博山梁上賊百餘人突來  
衝突經放哨官兵望見上前迎擊而臣等又令吉  
林索倫兵橫截其後中箭殲斃外負傷滾入崖箐  
者頗多又有賊八九十名從榮噶爾博山梁衝出  
復經烏什哈達海祿從旁截殺殲斃更多對面碉  
卡之內又有賊人來擾經副將仁和等擊退亦有  
殺戮臣等思密拉噶拉木大營之前官兵連擎木  
柵直逼康薩爾各碉賊自必移其力量添聚於此  
而遜克爾宗未經攻打或防禦稍疎亦未可定臣

豐昇額卽於二十一日前往派令成德等從正面進攻曾爾魯等繞出遜克爾宗前後夾攻其官兵寨右手從前所攻之第三碉令五岱及索明等帶兵前往以牽其勢均於二十二日丑刻前進曾爾魯先往抄截將至寨後遇放哨賊十餘名官兵上前撲殺八九名餘竄入碉內賊人始覺齊起放鎗而正面官兵已攻至碉下覓路欲奪其門爲溝濠所阻未能逾越比至天明臣 豐昇額見寨牆之上賊人排立抵抗卽將大礮對準施放見賊數人爲礮轟捲而去攻至辰刻賊人鎗石愈急亦暫撤回

公偕豐昇額色布騰巴爾珠爾又奏言查莎羅奔等潛令布薄通信穆塔爾探聽實信則其兄弟間明已各自爲謀若置之不理適以堅其合力死守之心臣等公同籌議若卽令穆塔爾出名作爲與莎羅奔之字言土司抗拒大兵種種不法

天朝斷不能饒爾莎羅奔本係出家人趁此勒烏圖未破之時或拏得土司投順或先自投降尙可保全性命此外更無別法卽書寫番字封固於本月初十日晚令土兵繫於木杆之上插在賊人卡外次早卽見賊人取去如其竟送莎羅奔固爲有益卽或

送交索諾木閱看而賊會尙未及知正可使之互  
相疑忌滅亡更爲迅速均奏入

諭曰阿桂等奏進攻桑噶斯瑪特山腿下碉柵並攻撲康  
薩爾遜克爾宗等處賊碉此次官兵攻勦頗爲奮勉乃  
以賊人防守甚力官兵尙未能得手蓋賊衆因其地逼  
近巢穴故并力堅守以冀緩死須臾亦情事所應有但  
將軍等業已乘勝深入此時功逮垂成自不肯因一時  
勦擊稍難致稽進取而輕率撲碉亦不免稍有挫損於  
事無益看來賊人明知官軍必由此路進攻遂積聚於  
此拒守自不宜專以力爭昨因檢閱地圖見桑噶斯瑪

特往南一帶並無山巒阻隔地形亦覺稍平若過此河前往可不由甲爾納寨徑攻得式梯碉卡因用硃筆標記圖內諭交阿桂酌量妥辦若甲爾納一帶尙未得攻似當由硃筆標誌之路進攻或可望出其不意迅能克捷阿桂等務須努力爲之又所奏令穆塔爾出名作爲與莎羅奔之字繫於木杆插在賊人卡外此事尙無關碍或稍有機會亦未可知但此事宛如治病偏方有無皆不足恃總以奮勉進攻勿稍疎虞爲要

二十八日

公偕豐昇額色布騰巴爾珠爾海蘭察額森特奏

言查官兵所拏木柵已距康薩爾第一碉座不及一箭之地當派烏什哈達等由山脊前進海祿等從樹林中穿行合攻又從噶克阜克采兩土司均於十三日來營懇請帶兵出力因卽令攻第一碉下之木城三座大碉一座臣等復思康薩爾上截石碉木城雖已分頭攻撲而其山脚下之碉寨亦應同日進攻使彼此不能相顧又派福康安等從左進攻額爾特從右進攻並各派兵接應十六日寅刻烏什哈達之兵踴躍向前將賊碉前兩層木柵拆燬並將鹿角焚燒直抵碉下而賊人鎗石如

雨金卽出碉抗拒兩路官兵合力擊殺殲斃二十  
餘人餘竄入碉死守其三雜谷之兵將至碉前賊  
人先已集七八十人抵禦土兵鏖戰殲賊十餘名  
賊人三次出柵來衝均被擊敗亦有殲戮攻至辰  
刻因木城內鎗礮甚緊恐有多傷漸次撤回其烏  
什哈達等兩路官兵亦徐撤下至福康安額森特  
之兵同時卽進而碉寨前尙有大石卡一座官兵  
先躍進卡內殺賊數名其餘棄卡而逃卽將石卡  
搶獲旋卽進攻碉寨而各處救援之賊已分爲兩  
股抄截前來經吉林索倫官兵分頭迎敵奮力攢

射殲斃甚多因碉寨高堅守禦甚固亦將官兵撤  
下奏入

諭曰阿桂等所派官兵奮勇直前可期迅奏膚功惟是賊人當此護巢衛死之時守拒甚力攻勦自不免稍難但不可因此稍生遲待之計亦不可不籌度利害令官兵輕率撲碉致稍挫損惟阿桂等妥酌行之至閏投出之金川番人達谷等供稱賊人將勒烏圖納木迪等處糧食各項俱用皮船搬往噶拉依等語看來賊人等雖同在勒烏圖若見官兵攻打勢盛自必仍遁回噶拉依爲負嵎之計阿桂等若能攻圍嚴緊使賊衆無從竄逸方

爲妥善設或賊酋等覓竄往噶拉依務卽統兵追蹤儘力攻剿期速掃穴擒渠斷不可稍有懈緩官兵若攻克勒烏圖已得金川要地十之八九所存惟噶拉依一隅諒亦不能久抗卽稍有羈延不過正二月間可以歲事今所撥軍需兩次又有九百萬兩約計可用至明年四五月阿桂等當與富勒渾文綬預爲詢商如軍需各項尚覺不敷卽可據實奏聞以便及早撥往總在尅日成功卽再多費數百萬金亦斷不惜